



**PRELIMINARY EXAM**  
**SH2 H2MLL**

**29 AUGUST 2017**

**BAHASA DAN KESUSASTERAAN MELAYU**  
**MALAY LANGUAGE AND MALAY LITERATURE**

**H2 9565/1**  
**KERTAS 1 (BAHAGIAN 1)**  
**PAPER 1 (PART 1)**

Duration: 1hr 15min

**ARAHAN**

- 1 Kertas ini tercetak dalam dua bahagian yang berasingan: Bahagian 1 dan Bahagian 2.
- 2 Jawapan kepada Bahagian 1 dan Bahagian 2 hendaklah ditulis di dalam Buku Jawapan yang sama.
- 3
  - a Bahagian 1: Kamus yang diluluskan boleh digunakan bagi bahagian ini.  
Masa yang diperuntukkan bagi penggunaan kamus: 1 jam 15 minit
  - b Bahagian 2: Kamu tidak dibenarkan menggunakan kamus.
- 4 Baca arahan yang diberikan bagi setiap bahagian dengan teliti dan jawab soalan seperti yang diarahkan.

---

This question paper consist of 4 questions printed on 2 pages. (Including this cover sheet)

**Arahan** Tulis sebuah karangan yang panjangnya tidak kurang daripada 460 patah perkataan mengenai satu daripada tajuk di bawah ini. (35 markah)

*(Dalam pemberian markah, gaya bahasa, isi karangan dan susunan akan dipertimbangkan.)*

1. Kamu terlibat dalam menganjurkan sebuah acara untuk membanteras keganasan dalam kalangan masyarakat. Ceritakan pengalaman kamu sebagai seorang wakil pelajar dan terangkan bagaimana acara itu telah menjadikan kamu lebih proaktif dalam menghulurkan bantuan.
2. Manusia semakin lupa untuk menghargai dan berbakti setelah mencapai kejayaan. Bincangkan.
3. Nilai kepimpinan berjaya disemai sepanjang zaman persekolahan. Sejauh manakah kamu bersetuju dengan pendapat ini?
4. Tulis sebuah karangan berdasarkan ransangan yang dipaparkan di bawah ini.



- SELESAI -



**NATIONAL**  
*Junior College*

**PRELIMINARY EXAM**  
**SH2 H2MLL**

**BAHASA DAN KESUSASTERAAN MELAYU**  
**MALAY LANGUAGE AND MALAY LITERATURE**

**H2 9565/1**  
**KERTAS 1 (BAHAGIAN 2)**  
**PAPER 1 (PART 2)**

Duration: 1hr

**ARAHAN**

- 1 Baca arahan yang diberikan dengan teliti. Kemudian, jawab soalan seperti yang diarahkan.
- 2 Tulis jawapan kamu di dalam Buku Jawapan yang disediakan.

### **BAHAGIAN A (5 markah)**

Dalam petikan karangan ini terdapat 5 tempat kosong. Isi setiap tempat kosong ini dengan perkataan yang sesuai mengikut konteks petikan karangan. Tulis jawapan kamu di dalam Buku Jawapan yang disediakan.

Lembaga Tabung Simpanan Pekerja (CPF) akan mendekati warga Singapura dalam satu siri pameran untuk menggalakkan mereka membuat persiapan bagi persaraan. Kempen 'Big 'R' Chat' itu ialah sebahagian daripada usaha \_\_\_\_ (1) \_\_\_\_ mereka untuk memupuk kesedaran orang ramai tentang peranan CPF dalam persiapan persaraan. Siri pameran bergerak itu akan diadakan \_\_\_\_ (2) \_\_\_\_ lima hujung minggu dari Ogos hingga November tahun ini di lokasi serata Singapura, dan menyasarkan mahu mendekati lebih 80,000 pencarum. Kakitangan lembaga CPF juga akan turun \_\_\_\_ (3) \_\_\_\_ sebagai sukarelawan untuk menggalak pencarum CPF bertindak sekarang bagi membuat persiapan persaraan dengan lebih baik menerusi CPF. Sukarelawan yang antaranya merangkumi eksekutif kanan dan kakitangan jabatan teknologi maklumat dan sumber manusia akan membantu pencarum untuk memahami cara CPF \_\_\_\_ (4) \_\_\_\_ persaraan mereka, dan memberi inspirasi kepada pencarum supaya mengambil tindakan bagi memanfaatkan simpanan CPF mereka. Pencarum CPF juga boleh menggunakan sebuah wadah digital yang disediakan untuk \_\_\_\_ (5) \_\_\_\_ berapa banyak simpanan yang boleh dikembangkan jika mereka membuat tokokan tahunan atau bulanan kepada akaun CPF mereka, atau jika memilih mahu membayar hutang perumahan dengan gabungan wang tunai dan CPF. Orang ramai yang berminat mendapatkan maklumat lanjut tentang kempen 'Big 'R' Chat' itu boleh mengunjungi laman [cpf.gov.sg/bigRchat](http://cpf.gov.sg/bigRchat).

## BAHAGIAN B (30 markah)

Arahan: Baca petikan karangan di bawah ini dengan teliti.

### Pembedahan Plastik masyhur dalam kalangan wanita Saudi



Populariti pembedahan kosmetik untuk wanita kini meningkat dengan lebih ramai wanita Arab Saudi melakukannya sejak beberapa tahun lalu. Tindakan melakukan pembedahan kosmetik membuat wanita "berasa lebih berkuasa kerana dilihat sebagai sesuatu yang berada di luar norma kecantikan".

Mengakui melakukan pembedahan tersebut, seorang wanita Saudi yang hanya dikenali sebagai Sadia menyatakan bahawa pembedahan kosmetik telah mengembalikan bentuk badan yang dia usahakan menerusi senaman selain meningkatkan keyakinannya terhadap bentuk badan yang ingin dia miliki. Namun, faktor yang mendorong kebanyakan wanita di Arab Saudi melakukan pembedahan kosmetik adalah berkaitan isu perkahwinan. Hakikatnya, ada rumahtangga yang masih **berantakan** walaupun setelah ada percubaan seperti ini.

Pakar bedah kosmetik Dr Sarah H mengesahkan yang kebanyakan wanita berusia 30 hingga 65 tahun tertarik dengan pembedahan kosmetik kerana mereka ingin kelihatan muda dan berwajah baru. "Orang-orang di sini berpengetahuan tentang pembedahan plastik. Mereka datang dalam keadaan mengetahui dengan begitu mendalam tentang pembedahan plastik. Amat **menakjubkan** apabila mereka mengetahui pelbagai jenis pembedahan dan

Seorang wanita Saudi yang enggan identitinya diketahui, melakukan pembedahan kosmetik demi mengekalkan minat suami terhadapnya. "Selepas mempunyai anak dan sibuk dengan kerja rumah, seorang wanita secara automatik akan berhenti menjaga dirinya. Saya sangat sibuk dengan segalanya dan apabila suami saya mula mendapati saya tidak lagi kelihatan menarik, saya berasa **murung**. Justeru, pembedahan kosmetiklah jawapannya," ujar beliau.

"Mereka datang dengan tekanan emosi dan fizikal. Kadangkala kami berperanan sebagai ahli psikologi untuk pesakit yang murung yang datang untuk melakukan pembedahan untuk menggembirakan suami mereka sendiri," kata Dr Diana, seorang konsultan pembedahan plastik. Menurutnya lagi, pesakit tidak harus terburu-buru kerana ada pembedahan yang boleh mengecewakan juga terutamanya bagi yang ingin menikmati perubahan yang lebih ketara. Pembedahan tidak menjamin kebahagiaan dan perubahan yang diinginkan.

Menurut sebuah akhbar harian Saudi, warga Saudi membelanjakan kira-kira SR826 juta (\$310 juta) terhadap pembedahan plastik dan peratusan mereka yang melakukan pembedahan kosmetik meningkat 7 peratus pada 2014 berbanding 2012. Ada yang sanggup menjalani lima hingga enam pembedahan, termasuk peningkatan wajah, Botox dan pembedahan membetulkan hidung.

Semakin ramai yang mengambil jalan mudah untuk kelihatan cantik sehingga membiarkan diri mereka terdedah kepada risiko tertentu. Sewajarnya, mereka melihat alternatif lain yang lebih sihat seperti bersenam dan menerima diri mereka seadanya. Ini sekaligus menggerakkan kita untuk memikirkan idea-idea untuk membantu

teknik terbaru dari Internet," ujarnya.	golongan seperti ini.
---	-----------------------

**Arahan :** Berdasarkan petikan karangan, jawab soalan-soalan yang berikut dengan menggunakan ayat kamu sendiri. Kemudian, tulis jawapan kamu di dalam Buku Jawapan yang disediakan.

- 6 Apakah faktor-faktor yang menyebabkan golongan wanita melakukan pembedahan kosmetik? (6 markah)
- 7 '*...berasa lebih berkuasa kerana dilihat sebagai sesuatu yang berada di luar norma kecantikan.*' Terangkan. (6 markah)
- 8 Bagaimanakah pembedahan kosmetik boleh mendatangkan kekecewaan seperti yang dikatakan oleh Dr Diana? (6 markah)
- 9 Apakah yang boleh dilakukan untuk mengelakkan pembedahan kosmetik bagi golongan wanita yang diketengahkan? (6 markah)
- 10 Terangkan maksud perkataan-perkataan berikut mengikut konteks petikan yang diberikan. (6 markah)
  - (a) berantakan
  - (b) menakjubkan
  - (c) murung

**SELESAI**



**PRELIMINARY EXAM**  
**SH2 H2MLL**

**BAHASA DAN KESUSASTERAAAN MELAYU**  
**MALAY LANGUAGE AND MALAY LITERATURE**

**H2 9565/2**  
**KERTAS 2**  
**PAPER 2**

**29<sup>th</sup> August 2017**

**Duration: 1 hr**

**ARAHAN**

- 1 Kertas peperiksaan ini mengandungi dua sumber dan empat soalan.
- 2 Baca setiap sumber dengan teliti. Kemudian, jawab soalan-soalan yang diberikan dengan menggunakan ayat kamu sendiri.
- 3 Hanya mulakan apabila pengawas peperiksaan memberikan isyarat.

## SUMBER A

### Gigih kurangi kesan buruk amalan guna barang 'pakai buang'



Semasa kecil, setiap kali Dr Siti Nurhanna Riduan dan abangnya bosan, mereka akan mencuba pelbagai eksperimen sains di 'makmal', iaitu dapur ibu mereka. Sikap ingin tahu dan suka menjalankan eksperimen memupuk minat beliau dalam ilmu kimia sehingga kini sebagai seorang saintis kimia.

Sebagai saintis penyelidikan di Institut Biokejuruteraan dan Nanoteknologi (IBN) Singapura di bawah Agensi bagi Sains, Teknologi dan Penyelidikan (A\*Star), Dr Siti Nurhanna banyak melakukan penyelidikan tentang ilmu kimia dan teknologi hijau. Beliau melakukan penyelidikan tentang bateri mesra alam sekitar yang dapat bertahan lebih lama dan diperbuat daripada gabungan bahan organik dan besi bagi mengurangkan kesan negatif barang 'pakai buang'.

Dr Siti Nurhanna juga sebahagian daripada pasukan di IBN yang pertama di dunia yang telah berjaya mengubah gas karbon dioksida kepada metanol menerusi proses hijau. Mengenai sebab beliau memilih memberi tumpuan pada teknologi hijau dan kemampanan, beliau berkata: "Isu mesra alam sekitar dan kimia mempunyai kaitan yang rapat. Hakikatnya, kita menggunakan lebih banyak bahan daripada apa yang kita boleh jana atau yang dihasilkan oleh Bumi. Hari ini, semua barangan merupakan jenis pakai buang. Jadi, kita mempunyai tanggungjawab mengurangkan kesan daripada amalan kita itu, dan penyelidikan dalam ilmu kimia amat diperlukan.

"Saya pilih projek bateri kerana sebagai pengguna, kita sentiasa mahu peralatan seperti telefon bimbit dan kenderaan yang boleh tahan lebih lama. Saya melihat ada peluang hasilkan bateri lebih berdaya tahan," ujarnya, juga menjadi mentor 20 pelajar di bawah Program Penyelidikan Belia IBN. Di samping itu, ada permintaan tinggi bagi teknologi mampan yakni penghasilan sesuatu yang mampu mengekalkan pencapaian atau prestasi yang baik. Oleh itu, dalam projek penyelidikan terkini, beliau memilih menghasilkan bateri mesra alam dan mampan.

*(dipetik dan diubah suai daripada <http://www.beritaharian.sg/setempat/gigih-kurangi-kesan-buruk-amalan-guna-barang-pakai-buang>)*



## SUMBER B

### Sedikit demi sedikit

Sebuah syarikat kontraktor yang membina laluan bawah tanah bagi stesen MRT Bukit Panjang telah diarahkan membayar \$7,000 kerana membuang cecair dari bahagian bawah tanah yang digali ke dalam terusan air secara terlarang, serta memiliki tangki penyimpanan yang terlalu kecil. "Dengan dua pertiga tanah Singapura menjadi kawasan tadahan air, adalah penting semua pihak tidak alpa akan isu pencemaran dan dalam memastikan semua tapak binaan mematuhi keperluan Langkah Kawalan Bumi atau *Earth Control Measures* (ECM) demi mengelak bahan buangan mengalir ke saluran air kami," kata PUB dan NEA.

"Alam sekitar telah memberikan sumber semula jadi kepada kita selama ini dan kalau kita dapat menunjukkan penghargaan kepadanya, ia dapat terus memberi sumber itu kepada kita," kata Cik Nor Lastrina, 28 tahun. Beliau turut menambah perubahan iklim ialah satu masalah lain dan jika langkah tidak segera diambil, penduduk dunia akan merasakan kesannya lebih awal. Menjadi tanggungjawab kita untuk melakukan apa yang boleh untuk melindungi alam sekitar di negara kita.

Pada hujung 2015, beliau dan beberapa temannya menubuhkan kumpulan Belia Singapura bagi Menangani Kesan dan Keragaman Iklim (*Singapore Youth for Climate Action*) yang antara lain menawarkan program pembelajaran dan kepimpinan bagi mendedahkan peserta kepada pengetahuan alam sekitar, isu iklim tertentu selain melengkapi mereka dengan kemahiran menangani kesan serta perubahan iklim. "Kadangkala semasa saya bercakap di sekolah-sekolah, para pelajar khususnya pelajar sekolah menengah berkata yang mereka sedar bahawa dunia sedang melalui perubahan iklim tetapi mengatakan bahawa mereka harus menumpukan perhatian kepada perkara lain seperti peperiksaan," katanya. Namun, beliau berpendapat walau sekecil mana pun usaha itu, setiap yang dilakukan tetap dapat menyumbang kepada usaha yang lebih besar iaitu menyelamatkan bumi. Isu ini tetap harus diutamakan.

(dipetik dan diubah suai daripada <http://www.beritaharian.sg/setempat/firma-didenda-kerana-buang-cecair->

**Nama:**  
**Kelas:**

**Arahan:** Berdasarkan Sumber A dan Sumber B, jawab soalan-soalan yang berikut dengan menggunakan ayat kamu sendiri. Kemudian, tulis jawapan kamu di dalam kertas jawapan yang disediakan.

- 1. Berdasarkan Sumber A, apakah perkara-perkara yang mendorong Dr Siti Nurhanna Riduan untuk meneruskan usaha murninya? (4 markah)**

Jawapan:

- 2. Berdasarkan Sumber B, mengapakah usaha untuk menyelamatkan bumi tercetus? (4 markah)**

Jawapan:

- 3. Bagaimanakah kandungan petikan Sumber A dan Sumber B saling berkaitan? (7 markah)**

Jawapan:

- 4. "Alam sekitar telah memberikan sumber semula jadi kepada kita selama ini dan kalau kita dapat menunjukkan penghargaan kepadanya, ia dapat terus memberi sumber itu kepada kita," Berdasarkan Sumber A dan Sumber B, berikan komen kamu terhadap perkara ini. Jawapan kamu tidak harus melebihi 160 patah perkataan. (15 markah)**

Jawapan:

Selesai



**PRELIMINARY EXAM**  
**SH2 H2MLL**

**11 SEPTEMBER 2017**

**BAHASA DAN KESUSASTERAAAN MELAYU**  
**MALAY LANGUAGE AND MALAY LITERATURE**

**H2 9565/3**  
**KERTAS 3**  
**PAPER 3**

Duration: 3hr

**ARAHAN**

- 1 Baca arahan yang diberikan dengan teliti. Kemudian, jawab soalan seperti yang diarahkan.
- 2 Tulis jawapan kamu di dalam Buku Jawapan yang disediakan.

**Arahan:** Jawab EMPAT soalan kesemuanya. Calon hendaklah menjawab SATU soalan daripada setiap Bahagian A, Bahagian B, Bahagian C dan Bahagian D.

**BAHAGIAN A**  
**NOVEL – RESTU**

1. Sebuah karya yang mantap mampu membangkitkan semangat tertentu dan meneliti perspektif yang pelbagai dalam isu-isu yang diketengahkan. Huraikan pernyataan ini berdasarkan novel *Restu* karya Ismail Kassan. (25 markah)
2. Sekiranya beberapa konflik dan watak tertentu ditiadakan, jalan cerita pastinya akan menjadi agak mendatar dan kurang meninggalkan kesan. Berdasarkan novel *Restu*, sejauh manakah kamu bersetuju dengan pernyataan ini? (25 markah)

**BAHAGIAN B**

**CERPEN – ANTOLOGI BEGITULAH KATA-KATA**

3. Teknik kepengarangan yang kreatif bukan sahaja mampu menggerakkan jalan cerita tetapi juga mencelikkan mata kita terhadap perkara-perkara yang tidak pernah kita fikirkan. Buktikan pernyataan ini berdasarkan cerpen *Pertemuan dan Ruang*. (25 markah)
4. Sejauh manakah pengarang telah berjaya menggarap aspek gaya bahasa dalam mencerminkan latar dan watak-watak dalam cerpen *Jago* dan *Si Malang Jalang*? (25 markah)

**BAHAGIAN C**  
**SAJAK – ANTOLOGI BEGITULAH KATA-KATA**

5. Segala tindakan yang diambil berbalik kepada diri dan tanpa pegangan tertentu, kita mungkin akan terperangkap atau terjebak dalam kemudaratan. Huraikan pernyataan ini berdasarkan sajak *Balada Merdeka* dan *Menjaring Mentari Hidupku*.  
(25 markah)
  
6. Penggunaan gaya bahasa yang tepat bukan sahaja dapat menyokong persoalan-persoalan tertentu tetapi unsur lain seperti suspens atau kejutan juga. Bincangkan pernyataan ini berdasarkan dua sajak yang telah kamu teliti.  
(25 markah)

**BAHAGIAN D**  
**DRAMA – ANTOLOGI BEGITULAH KATA-KATA**

7. Terdapat beberapa isu keperibadian dan kemasyarakatan yang diketengahkan dalam drama *Cahaya di Hujung Senja*. Huraikan bagaimana setiap isu itu akhirnya bertemu jalan penyelesaian melalui peranan watak-watak tertentu yang boleh kita jadikan ikhtibar.  
(25 markah)
  
8. Apakah yang menjadi daya kekuatan drama *Titik Pertemuan* sehingga watak-waktunya menjadi begitu dihormati? Huraikan pernyataan ini dengan memberikan bukti-bukti yang relevan.  
(25 markah)

Selesai

## SKEMA JAWAPAN KERTAS 1

### MELENGKAPKAN TEKS (5 MARKAH)

1. berterusan
2. sepanjang
3. padang
4. menyokong
5. menganggarkan

### KEFAHAMAN (30 MARKAH)

- 6 Apakah faktor-faktor yang menyebabkan golongan wanita melakukan pembedahan kosmetik? (6 markah)
- Demi perkahwinan; mengekalkan minat suami terhadapnya. Sebagai terapi untuk menghindari kemurungan.
  - Meningkatkan keyakinan diri. Kebanyakan wanita berusia 30 hingga 65 tahun tertarik dengan pembedahan kosmetik kerana mereka ingin kelihatan muda dan berwajah baru.
- 7 *'...berasa lebih berkuasa kerana dilihat sebagai sesuatu yang berada di luar norma kecantikan.'* Terangkan. (6 markah)
- Dapat mengembalikan bentuk badan yang diusahakan menerusi senaman selain meningkatkan keyakinannya terhadap bentuk badan yang ingin dia miliki.
  - Boleh menikmati perubahan yang ketara tanpa batas usia.
  - Jawapan-jawapan munasabah lain akan diterima.
- 8 Bagaimanakah pembedahan kosmetik boleh mendatangkan kekecewaan seperti yang dikatakan oleh Dr Diana? (6 markah)
- Pembedahan tidak menjamin perubahan yang diinginkan. Walaupun setelah menghabiskan wang untuk pembedahan / menjalani lima hingga enam pembedahan, termasuk peningkatan wajah, Botox dan pembedahan membetulkan hidung sebagai contoh.
  - Pembedahan tidak menjamin kebahagiaan. Ada perkahwinan yang masih berantakan walaupun setelah wanita itu melalui pembedahan kosmetik.
- 9 Apakah yang boleh dilakukan untuk mengelakkan pembedahan kosmetik bagi golongan wanita yang diketengahkan? (6 markah)
- Terlibat dalam alternatif lain yang lebih sihat seperti bersenam, mengamalkan pemakanan seimbang dan lain-lain.
  - Mendidik golongan seperti ini untuk mempertingkatkan keyakinan diri atau belajar menghargai diri terlebih dahulu sebelum orang lain atau risiko berkaitan dengan pembedahan.
  - Jawapan munasabah lain boleh diterima.
- 10 Terangkan maksud perkataan-perkataan berikut mengikut konteks petikan yang diberikan. (6 markah)
- (d) Berantakan – tidak aman/ bercerai-berai

- (e) Menakjubkan - mengagumkan
- (f) Murung – rasa sedih/ kecewa/ pilu/ dukacita/ putus asa yang keterlaluan diiringi dengan gejala tertentu.

## **SKEMA JAWAPAN KERTAS 2**

### **1. Berdasarkan Sumber A, apakah perkara-perkara yang mendorong Dr Siti Nurhanna Riduan untuk meneruskan usaha murninya? (4 markah)**

- (a) Beliau melakukan penyelidikan tentang bateri mesra alam sekitar yang dapat bertahan lebih lama dan diperbuat daripada gabungan bahan organik dan besi *bagi mengurangkan kesan negatif barang 'pakai buang'*. --- Hakikatnya, kita menggunakan lebih banyak bahan daripada apa yang kita boleh jana atau yang dihasilkan oleh Bumi. Hari ini, semua barangan merupakan jenis pakai buang. Jadi, kita mempunyai tanggungjawab mengurangkan kesan daripada amalan kita itu, dan penyelidikan dalam ilmu kimia amat diperlukan. (2m)
- (b) Saya pilih projek bateri kerana sebagai pengguna, kita sentiasa mahu peralatan seperti telefon bimbit dan kenderaan yang boleh tahan lebih lama. Saya melihat ada peluang hasilkan bateri *lebih berdaya tahan*. --- Di samping itu, ada permintaan tinggi bagi teknologi mampan yakni penghasilan sesuatu yang mampu mengekalkan pencapaian atau prestasi yang baik. (2m)

### **2. Berdasarkan Sumber B, mengapakah usaha untuk menyelamatkan bumi tercetus? (4 markah)**

- (a) Terdapat pihak yang alpa akan isu pencemaran dan dalam memastikan semua tapak binaan mematuhi keperluan Langkah Kawalan Bumi atau *Earth Control Measures* (ECM) demi mengelak bahan buangan mengalir ke saluran air. --- Misalnya, sebuah syarikat kontraktor yang membina laluan bawah tanah bagi stesen MRT Bukit Panjang telah diarahkan membayar \$7,000 kerana membuang cecair dari bahagian bawah tanah yang digali ke dalam terusan air secara terlarang, serta memiliki tangki penyimpanan yang terlalu kecil. (2m)
- (b) Perubahan iklim ialah satu masalah lain dan jika langkah tidak segera diambil, penduduk dunia akan merasakan kesannya lebih awal. --- Menjadi tanggungjawab kita untuk melakukan apa yang boleh untuk melindungi alam sekitar di negara kita. (2m)

ATAU

- (c) Masyarakat kurang mengutamakan isu alam sekitar. --- Dalam program pembelajaran dan kepimpinan, para pelajar khususnya pelajar sekolah menengah kurang berkata yang mereka sedar bahawa dunia sedang melalui perubahan iklim tetapi mengatakan bahawa mereka harus menumpukan perhatian kepada perkara lain seperti peperiksaan. / Mereka gagal untuk melihat walau sekecil mana pun usaha itu, setiap yang dilakukan tetap dapat menyumbang kepada usaha yang lebih besar iaitu menyelamatkan bumi. (2m)

3. Bagaimanakah kandungan petikan Sumber A dan Sumber B saling berkaitan?  
(7 markah)

Kedua sumber saling berkaitan dari segi usaha untuk memelihara alam sekitar (1m)

- Sumber A meneliti sumbangan yang dapat diberikan dari sudut ilmu Kimia serta teknologi hijau dengan menyelidik bagaimana sesuatu bahan itu boleh dimanfaatkan untuk mengurangi kesan negatif tertentu terhadap alam sekitar khususnya amalan 'pakai buang'. (3m)
- Sumber B pula meneliti bagaimana golongan masyarakat boleh mematuhi atau lebih proaktif/ mengambil berat/ bertanggungjawab terhadap isu alam sekitar. Justeru, apabila setiap individu memainkan peranan masing-masing walau sekecil manapun usaha tersebut, mereka dapat sekurang-kurangnya mengelakkan pencemaran daripada berlaku dan memastikan perubahan iklim tidak bertambah buruk. (3m)
- Jawapan munasabah lain boleh diterima

4. "Alam sekitar telah memberikan sumber semula jadi kepada kita selama ini dan kalau kita dapat menunjukkan penghargaan kepadanya, ia dapat terus memberi sumber itu kepada kita," Berdasarkan Sumber A dan Sumber B, berikan komen kamu terhadap perkara ini. Jawapan kamu tidak harus melebihi 160 patah perkataan.  
(15 markah)

- Definisi alam sekitar/ sumber semula jadi/ penghargaan (1m)
- Menghargai alam sekitar dengan menyelamatkan bumi ialah **tanggungjawab** kita. Justeru, kita harus sekurang-kurangnya cuba untuk mematuhi peraturan berkaitan alam sekitar yang sedia ada. (2m)
- Kita boleh **memainkan peranan masing-masing dengan sebaik-baiknya**. Sebagai seorang penyelidik, kita boleh cuba memanfaatkan objek sekeliling ataupun mencipta sesuatu yang baru yang dapat mengurangi kesan negatif tertentu serta pencemaran. (2m)
- **Alam sekitar harus diutamakan** agar kita masih boleh meraih sumber semulajadi. Walaupun kita sibuk, kita harus prihatin bahawa setiap langkah yang kita ambil untuk memelihara alam sekitar akan menyumbang kepada sesuatu yang lebih besar. (2m)
- **Usaha dari pelbagai pihak** perlu dalam mendidik masyarakat terutamanya kesan dan langkah-langkah tertentu yang boleh diambil melalui program, ceramah/ perkhemahan dll yang melibatkan setiap lapisan masyarakat agar mereka dapat saling mengingatkan satu sama lain. (2m)
- **Kesan yang lebih awal** sekiranya kita tidak bergegas dalam melaksanakan usaha untuk memelihara bumi. Dengan pencemaran yang ketara, pastinya boleh berlaku fenomena seperti bencana alam yang tidak diingini. (2m)



